



Regula Sancti Patris Benedicti

Benedikt <Montecassino, Abt, Heiliger>

Moguntiae, 1604

Illvstrissimo, Principi, Reverendissimoqve In Christo Patri, & Domino, Dn.
Balthasari Abbati Fvldensi, D. Augustæ Archicancellario, per Germaniam
Galliamque Primari, Sacri Romani Imp. Principi suo ...

[urn:nbn:de:hbz:466:1-64533](https://nbn-resolving.org/urn:nbn:de:hbz:466:1-64533)



ILLVSTRIS-
SIMO, PRINCIPI, RE-
VERENDISSIMOQVE IN CHRIS-
to Patri, & Domino, Dn. BALTHASARI
Abbati FULDENSI, D. Augustæ Archican-
cellario, & per Germaniam Galliamque Pri-
mati, Sacri Romani Imp. Principi opti-
mo, &c. Domino ac Principi suo
Clementissimo.

*Salutem, gratiam & omnium rerum successu-
umque felicitatem.*



*Illustrissime Princeps, Domine
Dn. Clementissime, Hoc in pri-
mis maxima omnium tum ad-
miratione tum consideratione
dignum est, quod summa Dei providentia
semper & ubique tunc sua afflictæ & dilectæ
Ecclesia auxiliatrices manus porrigere & o-
pitulari soleat, quando ea vehementius à Ty-
rannorum violentia & hereticorum pravi-
tate fatigetur, & quasi superata videatur;
& tunc crescat & floreat, quando decrescere
& arida putetur, tunc gregem eiusdem bonis
pastoribus & inculpatæ vitæ præsulibus pro-
videat & dirigat, cum derelicta & vidua*

).(2 esse

esse censeatur. Quod et si innumeris omnium
temporum & nationum exemplis probari
& attestari possit: ex quàm plurimis tamen
hoc unicum ad meum institutum apprimè
accommodatum hic in medium proferam, &
submissa dedicationi huic inseram. Omnes
enim historiae, praesertim verò Annales Eccle-
siastici probatissimi nostri seculi Scriptoris
Casaris Cardinalis Baronii, viri de Repub.
Christiana optimè meriti, pari dexteritate
testatur, quò deo tempore, quo uniuersa Ita-
lia, Germania, Gallia, Hispania atq; Africa,
totusq; penè Occidens, à Tyrannis & persecu-
toribus Gothis & Vuandalis Arianorum
secta defensoribus possidebantur, nec non u-
niuersus Oriens multis & variis haesibus
infectus esset, & Monachismus magna ex
parte collapsus, compluribus ex iis à fide Ca-
tholica ad diuersos haesum errores deficien-
tibus, aliisque ab omni vetere instituto ri-
gido in delicias prolabantibus, Deus prae-
potens magnum illum Monachorum Patri-
archam, clarum illud Ecclesiae Occidentalis
decus, BENEDICTVM, patria quidè Nur-
sium, sed Romae litteris operam dantè, ab Vr-
be vocauit, & in solitudinem sublimioris vi-
tae monasticae prima feliciter fundamenta ia-
cientè, perduxit, ut in tam reuera noctis ob-
scuritate eiusmodi claritudo lucis effulgeret,
qua

Circa an-
num Chri-
sti 494.

qua vniversus Catholicus Orbis denuò illustraretur & omnium Tyrannorum persecutio haereticorumq; prauitas è medio tolleretur, & mirabiliter absorberetur; & Ecclesia sancta splendore huius sancti Viri diuinitus propagaretur, atq; obseruàtia monastica disciplina longè lateq; diffunderetur, eaq; adeò fecundo germine dilataretur. Nā hoc pro certo constat, & in historiis dilucidè habetur, qd ex tenui hoc surculo prae grandium exorta sint frugiferarum arborum silua, qua vniversam repleuerint Occidentalem Ecclesiam, extiteritque locuples Seminarium, ex quo plurimi progressi sint sanctissimi diuersarum Ecclesiarum Episcopi, illustrissimi Abbates, Praepositi amplissimi; nec defuerint ex iis, qui in throno Apostolico cunsidentes, vniversam Catholicam Ecclesiam, cum vehementiores urgerent fluctus, constantissimè gubernarint, & qui eodem Apostolico munere complures barbaras nationes Christi iugum ferre impatièntes, tandem ad Christianam fidem sponte capessendam, conuerterint. Prodierintque alij, qui ob suscepta grandia pro religione certamina, sint victores consecuti coronam martyrii. Praetereo iam modò illos qui sacrarum rerum scientia nobiles inter scriptores Ecclesiasticos florùere: nec numero, qua numerari vix possunt, sacrarum examina

virginum: sicut nec facile sit recensisse, quot ex hoc vno verè dicendo sui humilitate fonticulo, immensa flumina sint derivata: quot, inquam, ex S. BENEDICTO diuersorum ordinum sint progressa agmina Monachorū, qui licet diuerso nomine in Ecclesia Dei circumamicta varietate censeantur, instituti tamen esse S. BENEDICTI, & ab ipso progressi gloriantur. Hac tanta, qua tamquam immensum cœlum, in paruo globo conscripta cernuntur, nonne meruero admiranda & consideranda obueniunt?

S. Benedi-
cti patria.

Natus fuit hic S. noster BENEDICTVS Nursia, anno Christi 480. in sua pueritia bonis litteris incumbens Roma, magnum fecit profectum, repletus diuina gratia, sui similes & aequales & pietate & eruditione superauit, & longo intervallo post se reliquit.

Anno Chr-
sti 494.

Anno verò ætatis suæ decimo quarto ab Orbe recessit, & in specu quodam arcto & rigido tres annos, vno tantum conscio sancto Romano, delituit, vt S. Gregorius tradit. Inde verò Dei reuelatione notior factus, & virtute miraculorum redditus vniverse regioni illi conspicuus; inuidia iaculis ab hominibus appetitus, postquam vires Satanae confregisset, victor in omnibus, ad vitæ sanctæ æmulationem suo exemplo quamplurimos traxit: cum tamquam ex alueario ex-

Gregor.
Dial. lib. 2
cap. 1. 2. 3
& sequent.

crefscen-

DEDICATORIA.

*crescentia apum examina in alia vasa ipse
 inferens, duodecim à se erecta monasteria re-
 pluit: ad quem multi Romanae urbis nobi-
 les concurrerunt. sic in angustiis Sublacensi-
 um montium perseveravit triginta duos an-
 nos; donec tandem diuino monitu ex prædi-
 ctis angustiis egressus Casinum montem pe-
 tens, illicq; erecto monasterio, monasticum
 ordinem mirifice propagauit, idololatriam
 qua ibidē adhuc vigeat, penitus extinxit,
 Dæmonia graui certamine superauit: in ro-
 ta vita sua fuit fide firmus, spe robustus, ge-
 mina charitate feruidus, mente purus, de-
 uotione præcipuus, in oratione ardens, in me-
 ditatione accensus, in lectione sanctarum
 scripturarum sedulus, in contemplatione al-
 tus, & vt breuiter concludam, omnium vir-
 tutum ornatu insignis, humilis, pudicus, so-
 brius, castus & quietus; ad exteriorem con-
 uersationem totus igneus, totus exemplaris,
 benignus, mansuetus, & ouium Christi pa-
 stor vigilantissimus; & tamen cum ratio
 exigebat, zelo disciplina accensus, peruer-
 sorum vitam constanter arguebat. Sicq; innu-
 merorum penè sanctorum atq; etiam doctis-
 simorum Patrum Patriarcha BENEDI-
 CTVS fuit fœcundissimus propagator, ordi-
 nem suum in multas mundi partes dilata-
 uit, dum vixerat.*

Anno Ch.
 529.

EPISTOLA

Anno Ch.
1525.

Anno Ch.
1578 die
13. Aprilis.

Conscripsit suis Fratribus REGVLAM omni discretione, præcipuã sermone luculentã, quam in Concilio Romano S. Gregorius Papa probauit & confirmauit. Quam etiam proxime nostro sæculo Gregorius Papa XIII. in Breui dato, unã cum Declarationibus & Cõstitutionibus Patrum Congregationis Casinensis de nouo confirmauit & approbauit. Cuius REGVLÆ exemplar, adiuncta in superuita S. Patris BENEDICTI, post Florentinam, Venetamq; & Parisiensem editionem, etiam nunc typis Moguntinis, in forma enchiridij; manibus portatile, & emendatius, omnibus & singulis huius ordinis Prælati, Patribus & Fratribus utendum, & meis sumptibus in lucem recens datum, exhibeo.

Ne autem Illustrissime Princeps Domine Dn. Clementissime, hæc REGVLA S. PATRIS BENEDICTI absque patrocinio aliquo cuiusdam Principis exiret, & in iniquas quorundam huius peruersi temporis censorum maleuolorum manus incideret & carperetur; sed omnibus præsertim eius Ordinis Patribus & Fratribus acceptior foret, ipsi in verum Patronum & summum defensorem, Illustrissimam Cels. V. ut verè Præmatem & supremum eiusdem REGVLÆ & Ordinis Prælatus, elegi & meritò decreui. Verùm enim uerò, quis mihi iam vitio verteret, si

ratio-

DEDICATORIA.

rationem tēporis illius Reuerendiss. Cels. V. quo primum ad sui regiminis Ecclesiasticum clauum sedere inceperit; illud etiam, quo tot annis in angustijs Castorei montis delituit; & hoc insuper quo diuina fauente gratia iterum in pristinum regiminis culmen & integrum totius Diœcesis Fuldenſis gubernaculum restituta sit, conferrem cum tēpore illo, quo S. Patriarcha BENEDICTVS in montibus Simbruinis totidem & paulo plus annis vitam solitariam egerit? Nam sicut huius S. Patris tempus valdè luctuosum, Tyrannorum cœdibus funestum, Arianorum hæresibus infectum, disciplina monastica infructuosum, & omnium calamitatum mole, & religionis Christiana penuria refertum, donec tandem S. Pater BENEDICTVS diuino instinctu notior factus, miraculorum virtute vniuerso Orbi conspicuus, coruscatione sui splendoris omnium Tyrannorum furorē mitigauit, omnem calamitatem sustulit, omnia reformauit, omnia in integrum restituit, religionem Catholicam & Ordinem suum sanctissimis incrementis ubique terrarum propagauit & dilatauit.

Ita etiam tempus Electionis Illustriss. Cels. V. erat admodum lamentabile, maior pars Principatus Illustriss. Cels. V. hæreticorum fraudibus corrupta, & sancta religio hinc

inde abolita, hereticorum nebulis obducta &
 penè omnia frigide administrata, Illustriss.
 Cels. V. singula & cuncta reformare & in
 sancta vetustatis formam restituere volens;
 sed tunc sine dubio permissione ob criminum
 hominum multitudinem & enormitatem,
 cursus reformationis interclusus, & tempus
 hoc presens còmodius ad illud efficiendũ pro-
 uisum est: Abscondita latuit Illustriss. Cels.
 V. cum S. BENEDICTO in montium
 solitudine inter bruta ferè animalia, austerã
 pia sanctitatis vitam, cù summa patientia,
 exemplo vera imitationis, viginti sex annis
 duicens, fide firma, spe robusta, charitate ac-
 censa, mente pura, deuotione sedula, in Missa
 celebratione quotidiana, pauperum subleua-
 tione assidua, in Orationibus feruida, in le-
 ctione sacrarum scripturarum ardens, in cõ-
 templatione alta; & ut multa breuibus con-
 cludam, omnium virtutum insignis robo-
 rata, ornata & decorata: donec tandem di-
 uina clementia placuit, Reuerendiss. Cels. V.
 ex angustiis illis montis Castorei liberare, &
 ad pristini sui honoris culmen euehere, Ec-
 clesiam suam eidem committere, ut subditos
 suos bene regere, & populum Christi sangui-
 ne redemptum ab erroribus reuocare, & in
 vnum verum Christi ouile perducere posset.
 Insuper sicut tempore S. BENEDICTI

Aria-

DEDICATORIA.

Arianismus pedetentim elanguit; Monachismus ubique terrarum vires recuperans, latissimè sese extendit, & omnia nouam faciem sumere visa sunt: Ita in Ecclesia tota Fuldensi nouo regimine Illustriss. Cels. V. adepto, religionem reformatam, ordinem illustratum, subditos obedientes, & cuncta renouata breui videbimus & experiemur. Lætetur igitur Reuerendiss. & Illustriss. Cels. V. quòd ad imitationem tēporis, Ordinis & religionis S. BENEDICTI Deus ter Opt. Max. secum egerit, & eam similem sancto viro cōparatione pari fecerit: pergat his suis omnium virtutum insigniis & ornamentis, regat feliciter Ecclesiam suam, & Ordinem suum, & subditos suos; & hanc REGVLAM S. PATRIS BENEDICTI illustrissimo nomini suo submissè consecratam, dedicatā & inscriptam, sereno vultu accipiat, & me meosq; sibi semper commendatos habere satagat. Deus Opt. Max. Reuerendiss. eandem Cels. V. ad multos annos felicissimè & diutissimè conseruet & tueatur; quod ex intimo corde precor & opto. Dat. Francofurti in festo S. BENEDICTI, Anno redēptionis nostræ 1604.

Reuerendiss. & Illustriss.

Cels. V.

subditus cliens

Nicolaus Steinius Bibliop.

GREGO-